



## Communicaziun a las medias

### Suisse Quiz – tgi enconuscha il meglier la Svizra?

Cuira, ils 08-06-2017 – **Co sa numna la punt da lain famosa da Lucerna, quants pizs da passa 4000 meters datti sin territori grischun, u en tge citad romanda ha lieu in renumà festival da jazz? Las emprimas chadainas dals radios da la SRG SSR, pia: il Radio Rumantsch, RTS La Première, RSI Rete Uno ed SRF 1, tschertgan questa stad la persuna ch'enconuscha il meglier la Svizra, sia geografia, ses usits, sias atgnadads e sia glieud.**

A partir dals 12 da zercladur pon candidatas e candidats interessads s'annunziar via [www.rtr.ch/suissequiz](http://www.rtr.ch/suissequiz). Mintga regiun linguistica tschertga candidats per ina preselecziun regiunala. La finamira è che mintga regiun linguistica chattia in candidat u ina candidata regiunala che sa mesira lura en in final cun ils 3 candidats da las autras regiuns linguisticas. Il grond final vegn emess mardi, il prim d'avust l'avantmezdi da las 10.00 a las 11.00 en l'entira Svizra. Il victur da quel final gudogna in premi en la valita da 5'000 francs.

Er RTR tschertga il meglier u la meglra candidata pussaivla. Cundiziuns: sur 18 onns, discurrer rumantsch, enconuscher la Svizra ed avoir la pussaivladad da sa participar a la preselecziun l'emna dals 26 enfin ils 30 da zercladur mintgamai tranter las 08.00 e las 09.00 en il Radio Rumantsch ed al final dal prim d'avust a Berna.

Il final vegn lura giugà il prim d'avust 2017 l'avantmezdi en la chasa da medias da la chasa federala a Berna e vegn moderà per RTR da Ladina Schena e dad Annina Campell.

A partir dals 26 da zercladur datti sin rtr.ch supplementarment anc in Suissequiz online cun dumondas da tut gener sur da la Svizra. Participaziun via clic. Er là po in victur u ina victura gudagnar 1'500 francs.

#### Dapli infurmaziuns

Radiotelevision Svizra Rumantscha, Via da Masans 2, 7000 Cuira  
René Spescha, producent interregional, Tel. 081 255 74 42, rene.spescha@rtr.ch